

Laet ons met herten reyne

727

refrein:

zetting: J. Bosman
refr. naar G. de Messaus, 1629

Laet ons mit her - ten rey - - ne lo - ven dat soe - te

rey - - ne

Detailed description: This system contains the first six measures of the refrain. It is written in treble and bass clefs with a key signature of one sharp (F#) and a 3/2 time signature. The melody is in the treble clef, and the bass line is in the bass clef. The lyrics are placed below the notes.

kin - - de - kij. Het brengt ons

Detailed description: This system contains measures 7 through 10. The melody continues in the treble clef, and the bass line provides harmonic support. The lyrics are placed below the notes.

uu - ten wey - - - ne.

wey - - - ne.

Detailed description: This system contains measures 11 through 14. The melody concludes in the treble clef, and the bass line ends with a final cadence. The lyrics are placed below the notes. The system ends with a double bar line and a 6/4 time signature change.

13

1. Ons is een kint ghe - bo - ren, een so - ne ghe - pre - sen -
 3. Die va - der van hier - bo - ven sprac si - nen en - ghel
 5. Al bin - nen Na - za - ret - te quam d'en - ghel Ga - bri -
 10. Die maecht haer con - for - teer - de in dat haer d'en - ghel
 11. Die en - ghel schiet van ha - re, Ma - ri - a bleef be -

16

teert. _____ hi coemt die hel - le
 an: _____ "ic wil die hel - le ver -
 el _____ sprac tot - ter fy - o -
 seyt _____ en - de si res - pon -
 vrucht. _____ Al son - der wee _____ of

18

sto - ren, als men - sche ge - fi - gu - reert. _____
 sto - ren, ver - los - sen wijf en - de man. _____
 let te met soe - te woor - den snel: _____
 deer - de: "Ick ben _____ daer - toe be - reyht. _____
 va - re, oft son - der her - ten - sucht _____

21

Hi wil ons al ghe - mey - ne ver - los - sen_ uu - ter
 Gaat tot - terschoon fon - tey - ne, die maagd Ma_ ri - a,
 "God groet u, ma - ghet rey - ne, vol gra - ci - en is
 In u - wen woord' al - ley - ne stel ic den wil - le
 baer - de die su - ver rey - ne daer den_ he - mel

27

pij - ne mit si - nen_ bloe - de al - ley - ne.
 claer aen - schijn en segt haer, wat_ ic mey - ne.
 u aen - schijn; God is met_ u_ ghe - mey - ne.
 mij - ne. Siet hier Gods deer - ne cley - ne.
 schen droch - tijt, des va - ders soon_ al - ley - ne.

727 – Laet ons mit herten reyne

Refrein: Laet ons mit herten reyne
Loven dat soete kindekijn.
Het brengt ons uutten weyne.

1. Ons is een kint gheboren,
Een sone ghepresenteert.
Hi coemt die helle storen,
Als mensche ghefigureert.
Hi wil ons al ghemeyne
Verlossen uuter pijn
Mit sinen bloede alleyne.
2. Des moghen wi wel dancken
der maghet, die hem droech
In hare suyver lancken;
Die vrucht haer niet en verwoech.
Weest vrolick groot ende cleyne,
dat soete kindekijn,
Het brengt ons uutten weyne.
3. Die vader van hier boven
Sprac sinen enghel an:
"Ic wil die helle verstoren
En verlossen wijf ende man.
Gaat totter schoon fonteyne,
Maria, claer aenschijn
En segt haer, Wat ic meyne".
4. "Groetse mi vriendelike,
Die soete, suver iuecht
Ende segt haer blidelike:
Si mach wel sijn verhuecht.
Want si ende anders ghene,
Gods moeder moet si sijn:
Ick ben met haer gemene."
5. Al binnen Nazarette
Quam d'enghel Gabriel
Ende sprac totter fyolette
met soete woorden snel:
"God groet u maghet reyne,
vol graciën is u aenschijn;
God is met u ghemeyne".
6. Bi u sal noch becliven,
Dat Adam heeft ontvrijt,
Want boven alle wiven
Sidi ghebenedijt
Ghi sult ontfaen een greyne
In uwen herten schrijn,
Des vaders soon alleyne.
7. Si sprack oetmoedelike:
"Hoe soude dat comen bi?
Ic en kende sekerlike
Noeyt man, des wondert mi
Dat ic en anders ghene
Gods moeder soude sijn.
Mijn hert wort cout als stene."
8. Die enghel sprac tot hare:
"O waerde en suver maecht,
En weest in ghenen vare
Tis wonder dat ghi claecht
Want ghi solt sonder pijn
Baren een kindekijn
En bliven maget reyne".
9. "Die heileghe Geest sal comen
In u, wel soete wijf.
Ontfaet, voor onse vrome,
In u als smenschen lijf.
Hij wil ons alle ghemeyne
Verlossen uuter pijn,
Met sinen bloede alleyne".
10. Die maecht haer conforteerde
in dat haer denghel seyt
ende si resondeerde:
"Ick ben daertoe bereyt.
In uwen woorden alleyne
Stel ic den wille mijn.
Siet hier Gods deerne cleyne.
11. Die enghel schiet van hare,
Maria bleef bevrucht.
Al sonder wee oft vare,
Oft sonder hertensucht
Baerde die suver reyne
Daer den hemelschen dorchtijn,
Des vaders soon alleyne.
12. Gheloof so moet si wesen
Nu ende in alder tijt.
Bi haer sijn wi ghenesen,
Si bracht ons groot iolijt.
O waerde suver reyne,
Des sondaers medicijn,
Bidt voer ons al ghemeyne!